



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memorïæ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

Domus Æternitatis Damnatae

**Dirckinck, Johann**

**Coloniae Agrippinae, 1713**

14. Vermis damnatae æternitatis.

[urn:nbn:de:hbz:466:1-50700](https://nbn-resolving.org/urn:nbn:de:hbz:466:1-50700)



Flebit ibi, qui non flevit hîc; stridebit ibi,  
 qui hîc ad Deum corde valido non cla-  
 Munavit. Flebit ibi oculus, qui hîc secutus  
 concupiscentiam oculorum; stridebit  
 dentibus, qui sibi prohibita, velut man-  
 claus dentibus devoravit.

### CONSIDERATIO XIV.

Vermis damnatæ æternitatis.

*Vermis eorum non moritur. Marci*

C. 9. 44.

10. Augusti.

CUM Asceta quidam Achillem Mo-  
 nachum rogasset; unde accide-  
 et; quòd in cella otio ac torpore mar-  
 cesceret? Respondit, id inde oriri, quòd  
 nec quietem, quam speramus; nec tor-  
 menta, quæ timemus, animo volveret:  
 hoc enim si faceret, etiamsi cella vermi-  
 bus plena esset, libenter in ea mansurum.  
 PP. L. 5. Ss. 107. An non  
 accidit hodiedum mortalibus? Un-  
 enim oritur tantus in rebus divinis  
 torpor, tanta vitæ licentia; tanta morum  
 corruptio; nisi quia vix unquam seriò



146 *Domus eternitatis. Consideratio*  
considerant bona æterna, quæ sperantur  
& mala æterna, quæ pertimescimus?  
primis verò, *Vermes illum, qui moritur.*

II. Duplex autem est vermis, qui moritur  
det damnatos; unus exterior rodens  
corpus, alter interior, rodens cor. *Vermes*  
*dicta carnis impii, ignis & vermis.* Eccl.  
c. 7. 19. S. Chrysoſtomus, Anselmus,  
filius in psal. 33. Docent in Orco re-  
riri veros vermes, eosque horribiles,  
dos, venenosos, carnivoros, immortales,  
doloris expertes, qui instar Salamandra  
in igne, aut instar piscis in aqua, in fla-  
mis tartareis vivant; semper esitantes  
nunquam satiati; moribus suis in-  
rabilem Damnatorum corporibus  
lorem infligentes; omnia membra ex-  
teriora & interiora, ictibus mortiferis  
fiduè vellicantes. O dolor! ô horror!

III. S. Chrysoſtomus L. 1. adve-  
vitup. vitæ monast. refert habitum  
dam conflictu cruento, ex innum-  
hominum & equorum vulneratis ca-  
veribus atque permixtis; tantam  
vermium copiam propullulasse, ut



terra multitudine cadaverum operire-  
tur, hæc eadem rursus vermibus abs-  
conderentur. Cogita quanta molestia  
esset, inter putrefacta hæc cadavera &  
vermium examina, uno anno decumbe-  
re? Sed Inferno, inquit idem Orator  
aureus, erunt longè diriora tormenta,  
non mille annis, aut decem millibus  
sed sæculis infinitis sustinenda. Quid  
censes, mi Lector, an non toto corpore  
cohorresceres, si hominem in decumano  
quopiam cacabo, serpentibus & bufo-  
nibus vivis pleno, jacentem cerneret?  
Quàm grande supplicium censes, si  
inter colubros & aspides, nudum corpus  
tuum implicantes, dirisque moribus  
continuò infestantes, vel unicâ nocte ti-  
bi cubandum foret, ligatis manibus &  
pedibus, ne te defenderes? Ex quo infer,  
quale tormentum futurum sit in infer-  
no, inter dracones & bufones; inter as-  
pides & basiliscos, inter angues & scor-  
piones stygios, admordentes, rodentes,  
vellicantes, pungentes, sibilantes ja-  
cere totâ æternitate. O quæ mens id  
capiat?



*Affectus horroris & timoris.*

**O** Peccator, Superbe, avarie, libidine  
 se! *Tanquam à facie colubri fuge peccatum.* Eccli. c. 21. Quod vermibus  
 serpentibus infernalibus te in escam  
 prædam objicit: hoc cogita in proci  
 ctu peccati stans, & exhorresce pedem  
 que retrahe. Deum time & mendata  
 serva: qui, ut canit Prudentius, contra  
 Marcionitas: *Vermibus & flammis [sum  
 mis craciatibus] ævum, immortale deum.*  
 In omni occasione peccandi, time ve  
 mem illum, qui nunquam moritur, nun  
 quam satiatur, nunquam excutitur. *Ti  
 gehennam, contremisce à dentibus be  
 infernalis, à ventre inferi, à rugientibus  
 preparatis ad escam. Time vermem  
 dentem, ignem torrentem, fumum & co  
 pore, & sulphur & spiritum procellarum.*  
 S Bern. serm. 3. in Salve Reg.

11. *Augusti.*

I. **V**ermis alter est, interior; scilicet  
*vermis conscientie: de quo Sa  
 vator ait, ac tertium in eodem sermone*



reperit: *Vermis eorum non moritur.* Mar-  
 ci. c. 9. horrendus vermis. Diodorus  
 L. 3. c. 2. scribit ab Æthiopibus captum,  
 ac Ptolomæo Ægypti Regi oblatum ser-  
 pentem qui erat triginta cubitorum lon-  
 gitudine, igneis oculis, linguâ lambente  
 singula; squamarum asperitate, stre-  
 pitum ingentem edente; dentibus insu-  
 per eminentibus, oris quoque aspectu  
 horrido; reliquo tempore in circulum  
 se colligens, quiescebat immobilis; do-  
 nec animalia ad aquam, potûs causâ,  
 accederent, quæ circumplectens caudâ,  
 depascebatur; integros quoque homi-  
 nes rictu hiantes devorans. Monstrum  
 sanè horrendum: sed magis horrendus  
 vermis conscientia, perpetuo morso di-  
 lanians, semper vorans, nunquam devo-  
 rans, omni serpente, ac belluâ ferocior.  
*Inter innumerabiles afflictionum mole-  
 stias, nulla est major afflictio, quam con-  
 scientia delictorum* ait S. Gregorius in  
 Psal. 143. *Ipsè est poena sua, quem torquet  
 conscientia sua.* S. Aug. in Psal. 36.

II. Verùm si rem dicere velimus,  
 nunc conscientia potius fungitur mu-  
 nere



150 *Domus aternitatis. Consideratio*  
nere satellitis, peccatorem, ad tribuna  
divinum evocantis; quàm munere ca  
nificis torquentis: tortoris verò officium  
assumit in inferno: postquam enim, ani  
ma condemnata fuerit, sententiâ irrevo  
cabili, divinus Judex *tradet eam tortori*  
in manus, inquam, istius vermis, qui per  
omnem aternitatem quietis partem  
nullam relinquet. Memorabile est  
quod in prato spiritali, retulit Abba  
Sabbatius c. 166. Latro quidem, à patre  
ra per summam immanitatem innocen  
tis pueri cæde; ut scelus occultum, re  
giosæ vitæ rigore, meliùs expiaret, ab  
bitum ab Abbate Zosimo petiit & in  
petravit: jamque post novennem vi  
asperitatem; ecce scelus semper animi  
obversans, exturbat hominem è Mon  
sterio: pueri enim voces semper in auribus  
ejus insonare videbantur: *cur non occidisti?*  
*Nec sinebat*, ut Auctor ait, *in horâ con*  
*quiescere*: quare semper tremens ac pavens,  
tanti cruciatûs impatiens, veniâ ab Abbate peti  
tâ, Monasterio excessit, urbem ingressus Diospo  
lim, in carcerem conjectus & capite plexu



plexus est. Si in hac vita sic mordet ver-  
 mis conscientiae ; quid aget in altera ?  
 ubi identidem oggeret corpus & anima,  
*cur me occidisti ?* Cur te ac tot alios, jus-  
 sione, suasionem, dissimulationem, pravo  
 exemplo & scandalo occidisti ? cur te &  
 illos in mortem æternam præcipitasti ?  
 Iste igitur vermis , omni Serpente &  
 Dracone immanior ternas Damnato-  
 rum cordibus infligit plagas , de quibus  
 Innocentius III. Pontifex in L. de con-  
 mundi ; ita loquitur : *Affliget memoria ;*  
*sera turbabit poenitentia ; torquet angu-*  
*stia.* Id est *affliget memoria voluptatum*  
*præteritarum ; sera poenitentia culparum*  
*admissarum & angustia bonarum occasio-*  
*num neglectarum.*

III. Primus ictus seu plaga , quam  
 vermis iste infligit ; est *memoria.* *Affli-*  
*get memoria præteritarum voluptatum &*  
*oblectationum.* Ingens poena est infe-  
 lici, meminisse felicitatis pristinae ; quan-  
 do cum Jobo dicere cogitur : *Ego ille*  
*quondam opulentus , repente contritus*  
*sum. c. 16.* O quid , in Abyssu inferni,  
 dicet damnatus infelix, cum ex omnium



152 *Domus aeternitatis. Consideratio*  
sensuum oblectamentis, subito se ad om-  
nium tormenta translatum reperiet? E-  
gulæ deliciis ad famem & sitim; ex carnis  
voluptatibus ad flammam & vermes tran-  
sisse; ô qualis afflictio! Sol. tum, om-  
nibus incutere timorem, nunc ita debi-  
lem se cernere, ut ne pili quidem inter-  
vallo, se movere queat in latus alterum,  
aut digito vermem remove à facie; O  
qualis afflictio! Ille qui vel in minima  
honoris sui læsione, spirabat vindictam  
nunc substernere se cogitur tyrannici  
ac jugo superbiorum cacodæmonum  
qui exiguam ferre nequibat molestiam  
nunc sustinere debet continuum dolo-  
rem, vermem & remorsum conscientie  
desolationem, mortem, absque omni so-  
latio ac levamine. O qualis afflictio!  
*Affliget voluptatum præteritarum memo-  
ria. O memoria molesta! O permutatio  
luctuosa!*

*Admonitio.*

**O** Fortunæ fili! Amice mundi, vo-  
luptatum cœno immerse! Ne te ali-  
quando hujusmodi affligat memoria,  
nunc



nunc memorare novissima tua, & pœnitentiam age; ne serò nimis tibi, ut olim Epuloni evangelico, refricetur memoria: *Fili recordare, quia recepisti bona in vita tua.* Hic est vermis ille, ait S. Bernardus, qui non moritur, memoria præteritorum; semel injectus, vel potius innatus per peccatum, inhaesit firmiter, nunquam deinceps avellendus. L. de Confid. c. 12. Ne verò tibi innascatur & inhæreat, nunc eum cave & time, cum Doctore mellifluo dicens: *Horreo vermem mordacem, & mortem viventem: horreo incidere in manus mortis viventis & vitæ morientis.* In qua vermis conscientiaë semper vivit, nunquam emoritur.

## 12. Augusti.

**A**lter ictus, morsus seu plaga, vermis hujus immortalis, est pœnitentia sera de peccatis admissis. *Sera turbabit pœnitentia.* Turbabit quoque peccatum ipsum. Sceleratis in hoc mundo peccatum est res risu digna: *Quasi per risum stultus operatur scelus.* Proverb. c. 10. 24. Nec aliam in eo malitiam



154 *Domus aeternitatis. Consideratio*  
deprehendunt, quàm innocentem quanda  
dam deformitatem: *deformitas sine dolo*  
*re*; ac proinde nonnunquam inde su  
perbiunt & se jactant; perinde ac si ma  
culæ animæ servire ipsis possint, ut ma  
culæ marmoris, pro augmento venustate  
tis. Sed nolite errare; aliter sentietis pos  
siti in profundo inferni; ubi monstruosus  
aspectus peccati, plus vos cruciabit,  
quàm intuitus turpissimi Diaboli.

II. Veluti peccati memoria; ita &  
*sera turbabit pœnitentia.* O dicet sibi  
O tu infelix, stulte ac cæce homuncio  
cur tot scelera admisisti? Cur admittenda  
non planxisti? Cur exhomologesi sacra  
ea non expiasti? Cur lacrymis pœniten  
tiæ ea non abluisti? Cur dignos pœni  
tentia fructus non fecisti? Exiguo labo  
re, ope divinæ gratiæ, tormenta tartare  
evadere, gloriamque cælestem tibi com  
parare poteras, & cur neglexisti? O quan  
tus cruciatus erit, hæc semper animo  
volvete, semper intellectu cognoscere  
voluntate detestari, nec posse has animi  
potentias, aliò divertere? *Iusto Dei judi*  
*cio, omnia peccata memorantur, & de om*

nibu



nibus continuo torquentur. S. Bonav. in 4. dist. 50. q. ult.

III. Tertius morsus, seu plaga à Vermeconscientiæ inflictæ, teste Innocentio Papa. l. c. est Angor cordis. *Torquebit angustia, & quidem inexplicabilis, ob neglectas tam præclaras salutem consequendi occasiones, unâ cum tempore elapso, in æternum non redituras. Juravit Angelus, per viventem in secula seculorum, quia tempus non erit amplius. Apoc. c. 10. 6. Hinc oggerit oblatrans conscientia: cur tot orationes, tot elemosynas, tot jejunia, tot corporis afflictationes, passionum & cupiditatum abnegationes, frequentio rem usum Sacramentorum, aliâque opera bona neglexisti? Et sectatus es otia, consortia prava, convivia, symposia, fabulas, nugas, propriasque commoditates. Ecce deinceps tempus non erit amplius. Atque hinc angustia torquet undique & undique, & absque remedio.*

*Obsecratio.*

**O** Domine, miserator misericors & juste! obsecro te, & per omnia sa-



156 *Domus eternitatis. Consideratio*  
cra obtestor te, gratiam mihi, cunctisque  
peccatoribus efficacem tribue, ut inatu-  
re peccata nostra defleamus, & expie-  
mus; bonisque operibus compensemus,  
ne in gehenna, sera nos perturbet pœni-  
tentia, torqueat angustia, & perpetua  
scelerum memoria cruciet. Potius *Ver-*  
*mis ille conscientia, nos mordeat nunc, ut*  
*moriatur, & paulatim desinat mordere:*  
*mordendo interim rodat putredinem, ut*  
*rodendo consumatur, & ipse quoque pari-*  
*ter consumatur, ne foveri incipiat in im-*  
*mortalitatem* S. Bern. de convers. ad  
Cler. c. 6. *Scriptum est enim: Dabo ignem*  
*& vermes in carnes eorum, ut urantur &*  
*sentiant usque in sempiternum.* Judith.  
c. 16. 21.

## CONSIDERATIO XV.

Perturbatio damnatæ æternitatis.

*Ubi nullus ordo.* Job. c. 10. 22.

13. *Augusti.*

I. **C**onsidera, quis, qualisvè ordo  
aut quæ ordinata rerum disposi-  
tio esse queat, in confusa illa Inferorum

Baby-